

GALDAKAO

117 herritarrek izango dabe Zuatzurreko etxeetako bat lortzeko aukerea

Erredakzioa |

Galdakaon notario aurrean zotz egingo dabe bihar, Zuatzurre auzoan egin dituen 15 etxebizitzak no-rentzat izango diran erabagiteko. Danetara 117 herritarrek emon dabe etxebizitza lortzeko izena. Zozketea eguerdiko 12:00etan egingo dabe udaletxeko batzar aretoan. Abenduaren 4an amaitu zan izena emeteko epea, eta zorionekoek apirilaren amaieran jasoko dabe euren etxea.

Udal agintariek jakin eragin dabenez, etxeak 40 eta 86 metro koadro arteko zabalera daukie, eta salneurria Udalak berak berbatu behar izan eban Zuatzurreko Auzo Alkartea, Arartekoa eta obra egin dauen enprezagaz (Procavisa). Horren arabera, etxerik merkeenagaitik 66.111 euro pagau beharko dira, eta karuenagaitik, barriz, 126.212 euro. Zotz egite horretan lehentasuna eukiko dabe Zuatzurreko auzotarrek.

Bihar amaituko da Galdakaoko auzo horretan bizi diranek urtetan eta urtetan etxe barriak lortzeko eroan daben borroka. Azkenean, 1998.ko maiatzan, ituna berbatu eben Udalak eta Auzo Alkartea, Arartekoaren bitartekaritza esker. Auzoa bizibarritzeko neurriak berbatu zituen.

BILBO. 370.000 bilbotarren hondakin urak batzeko egin dabe

Osotu dabe saneamendu sarearen azpiegiturea urian

Oleabeagako hodi biltzailea izan da sareko azkenengo obrea



MARISOL RAMIREZ / ARGAZKI PRESS

Bergara, Azkuna eta Etxebarria Saneamendu sare nagusiaren planoa aztertzen atzo, Olabeagan.

Erredakzioa |

Olabeagan ipini daben hodi biltzaileak auzune horretan bizi diran 1.536 herritarren hondakin urak batuko ditu, hemendik aurrera. Hodi horregaz osotu da Bilboko hondakin urak batzeko Uren Partzuergoak egin dauen saneamendurako sarea. Izan be, uriburuan 13 obra egin behar izan ditue hondakin urak garbitzera eroateko beharrezkoa zan sarea osotzeko.

Garai baten, Bilbon bizi diran 370.000 herritarren hondakin urak itsasadarrera botaten ziran, beste barik. Gaur egun, ba-

rriz, urok hodi biltzaileen bidez batu eta Galdindoko araztegira eroaten dabe, bertan garbitzeko itsasora bota aurretik.

Horixe nabarmendu eben atzo, azpiegiturearen inaugurazioan izan ziran agintariak: Iñaki Etxebarria Partzuergoko lehendakaria, Josu Bergara ahalzun nagusia eta Iñaki Azkuna alkatea. Pozik egozan hirurok saneamendurako obrak amatituta dagozalako urian.

Olabeagako hodi biltzailea Nerbioi-Ibaizabal sarearen barruan sartu dabe, Kadaguatik Parkera doan zati horretan. Obrok Saneamendu Plan Nagu-

siaren aginduz egin dituela gogoratu eban Etxebarriak.

Emondako datuen arabera, orain zabaldu daben biltzailearen barruan hogei hodi sartzen dira, batzuk besteak baino handi eta garrantzitsuagoak. Horra bideratuko ditue bai Udalaren sareak batzen dituan hondakin urak, bai errekearen baztarreko eraikinek zuzenean erre kara botaten zituen urak.

Danetara 902.000 euroko inbertsinoa eskatu dauen obrea fase bitan egin dabe: Lehenengo 2000. urtean egin eben, Udalak Olabeagako kaia konpontzen eban bitartean.

LABURRAN

KULTUREA

Musika bandearen kontzerturako sarrerak hartu leitez

Bilboko Udaleko Musika Bandak domekan eskainiko dau neguko denporaldiaren laugarren kontzertua, eguerdiko 12:00etatik aurrera. Kontzertua doan izango da. Udalak jakin eragin dauenez, Arriaga antzokiko txarteldegian dagoz gonbidapenak, kontzertura joan gura daben guztientzat. Herritar bako txak lau gonbidapen jaso ahal izango ditu, gehienez.

GALDAKAO

Bizkaiko andren futbol taldeak Akitaniako taldeagaz jokatu dau

Bizkaia eta Akitania lurraldeetako andren futbol taldeek lagun arteko partidua jokatu dabe bihar, Usansoloko Unkina futbol zelaian. Igaz Akitanian izan ziran jokalaria bizkaitarrak, eta orduko horretan 1 eta 2 irabaztea lortu eben. Bizkaiko taldean jokaten daben artean, Athletic taldeko Iraia Iturregi eta Irantzu Castrillo nabarmetzen dira, eta Umore Onako Ainhoa Vez, Bilbaoko Alazne Santa Llana, Errekaortuko Irune Murua, Muruza zanaren alabea.

ERRESKATEA

Gorbeian galduta egozan gazte bi aurkitu zituan Ertzaintzak domekan

Gorbeia mendian galduta egoan bikote bat aurkitu eben ertzainek, domeka arratsaldean. Andra Gasteizko Txagorritxu Ospitalera eroan behar izan eben, antsiadadea eta hotzaren ondorioz txarto egoalako. Domeka arratsaldean, 18:00ak aldera, bikote gazte batek laguntza eske deitu eban 112 telefonora, galduta egozalako. Azaldu ebenez, behe-lainoaren eraginez galduta egozan. Ertzainek 22:00ak baino arinago aurkitu zituen.

BASAURIKO UDALA
AYUNTAMIENTO DE BASAURI
48970 BASAURI (BIZKAIA)

IRAGARKIA

2002ko urtarrilaren 7ko 60 zenbakidun Dekretu bidez erabaki da, B-Kalero-Basozelai Banaketa Eremuko 09-1 Exekuzio Unitatea birsailkatzeko espedienteari hasiera ematea, hiri bestalde, Hiri Antolamenduko Egitasmo Orokorreko hiri-lurzoruko egoitzazkoan, dago.

Iragarki hau, Hirigintza Kudeatzeko Araudiaren 101.3 artikuluan erabakitakoa betetzeko helburuz, argitaratzen da (B.A.O.22.zk.2003, otsailak 3).

Basauri, 2003ko otsailaren 6a
ALKATEA,
Sn. Rafael Ibarguen Gonzalez.

ALDUNDIA. Erretirauen alkaterei eta udaletako Ongizate zerbitzuetako arduradunei aurkeztu deusie

Gizartekintza Sailak pertsona nagusientzako baliabideak batzen dituan gidea kaleratu dau

I.B. |

Euren preminei erantzuteko zelako baliabideak eta eskubideak dituen ezagutu eta horreek lortzeko nora jo behar daben jakitea errazago izango dabe, hemendik aurrera, Bizkaiko pertsona nagusiek. Izan be, euren zerbitzura dagozan baliabide guztiak batzen dituan gidaliburu euren esku ipini dabe.

Gidea Aldundiaren Gizartekintza Sailak argitaratu dau, Ricardo Ansotegi diputaua Per-

sona Nagusien Kontseiluko lehendakaria dan ezker, berari jagokolako informazio hori guztiori nagusien alkaterei eza-gutu eragitea.

Euskeraz eta gaztelaniaz egin daben gida horretan, bai erakundeek bai Administrazinotik kanpo dagozan alkatereek eskaintzen dituen zerbitzuen zerrendea agertzen da, eta pertsona adituek zelan egin behar daben horreengana ailegetako.

Ansotegik erretirauen alkatereak eta udalerrietako Ongizate

zerbitzuetako arduradunak batzarrera deitu zituan atzo, gidearen barri emon eta hor agertzen diran datuak zelan erabili azaltzeko. «Bitarteko horri esker, pertsona nagusiek errez eta modu eraginkorrean ezagutuko dabez zeintzuk diran eurentzat dagozan zerbitzuak», azaldu eutsen diputauak batutakoei.

Gidea bost ataletan banatuta dago, 65 urte baino zaharragoak diran herritarrei zeintzuk diran diru laguntzen inguruan, asistentziarako edo osasun zer-

bitzuen ganean, edo kontsumoa eta kultura, astia eta astialdiaren inguruan zein zerbitzu dagozan azaltzeko.

Atal bakotzak zerbitzuok eskaintzen dituan erakundea edo alkaterearen telefono zenbakiak edo sarearen barruko webguneak eskaintzen ditu. «Gizatalde horri beharrezkoa dauen laguntasuna emon gura deusagu, gizartearen barruan modu eraginkorrako batez parte hartu daian», generatu eban Gizartekintzako diputauak.

Datozan egunetan banatuko ditue gidaliburuok pertsona nagusiekin behar egiten daben alkatere eta erakundearen artean.